

Odluka kojom se donosi Zakon o izmjenama i dopunama Zakona o Visokom sudskom i tužilačkom vijeću BiH

Koristeći se ovlaštenjima koja su Visokom predstavniku data u članu V. Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o implementaciji civilnog dijela Mirovnog ugovora; i posebno uzimajući u obzir član II.1. (d) prethodno navedenog Sporazuma prema kojem Visoki predstavnik “pruža pomoć kada to ocijeni neophodnim, u iznalaženju rješenja za sve probleme koji se jave u vezi sa implementacijom civilnog dijela Mirovnog ugovora”;

Pozivajući se na stav XI.2 Zaključaka sa Konferencije o implementaciji mira održane u Bonu 9. i 10. decembra 1997. godine, a na kojoj je Vijeće za implementaciju mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o implementaciji civilnog dijela Mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada procijeni da je to neophodno” o određenim pitanjima uključujući (prema tački (c) ovog stava) “mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta”;

Uvjeren u vitalni značaj koji za Bosnu i Hercegovinu ima nastojanje da se ojača i slijedi vladavina zakona kako bi se stvorila osnova za privredni rast i strane investicije;

Pozivajući se na uspostavljanje Visokog sudskog i tužilačkog vijeća Federacije Bosne i Hercegovine, Visokog sudskog i tužilačkog savjeta Republike Srpske i Visokog sudskog i tužilačkog vijeća Bosne i Hercegovine u maju 2002. godine u cilju jačanja nezavisnosti pravosuđa i ponovnog imenovanja sudija i tužilaca u skladu sa reorganizacijom sudova i tužilaštava;

Pozivajući se na Komunique Upravnog odbora Vijeća za implementaciju mira od 25. i 26.09.2003. godine u kojem se Upravni odbor: "složio da produži mandat Nezavisne pravosudne komisije, kao i prelazni period za Visoka sudska i tužilačka vijeća do 31. marta 2004. godine. Upravni odbor je dao punu podršku osnivanju jednog Visokog sudskog i tužilačkog vijeća na državnom nivou i apelirao na vlasti BiH da daju svoj doprinos u rješavanju ovog pitanja bez odlaganja";

Imajući u vidu potrebu za produženjem prelaznog perioda kako bi se dovršilo imenovanje sudija i tužilaca u skladu sa reorganizacijom sudova i tužilaštava;

Pozivajući se na prethodne odluke Visokog predstavnika, odluku broj 167/02 o donošenju Zakona o Visokom sudskom i tužilačkom vijeću Bosne i Hercegovine objavljenu u "Službenom glasniku Bosne i Hercegovine", 15/02, "Službenim novinama Federacije Bosne i Hercegovine", 29/02, "Službenom glasniku Republike Srpske", 40/02, i "Službenom glasniku Brčko Distrikta", 11/02, odluku broj 15/02 o donošenju Zakona o izmjenama i dopunama Zakona o Visokom sudskom i tužilačkom vijeću Bosne i Hercegovine", objavljenu u "Službenom glasniku Bosne i Hercegovine", 26/02, "Službenim novinama Federacije Bosne i Hercegovine", 47/02, "Službenom glasniku Republike Srpske", 58/02 i u "Službenom glasniku Brčko Distrikta", 12/02, odluku broj 62/02 o Zakonu o ponovnoj izmjeni i dopuni Zakona o Visokom sudskom i tužilačkom vijeću Bosne i Hercegovine, objavljenu u "Službenom glasniku Bosne i Hercegovine", 35/02, "Službenim novinama Federacije Bosne i Hercegovine", 62/02, i u "Službenom glasniku Republike Srpske", 77/02.

Ovim donosim slijedeću

ODLUKU

**kojom se donosi Zakon o izmjenama i dopunama Zakona o Visokom
sudskom i tužilačkom vijeću Bosne i Hercegovine,**

koji je priložen kao sastavni dio ove odluke

Ovaj zakon stupa na snagu kao zakon Bosne i Hercegovine, danom određenim u članu 5. ovog zakona, na privremenoj osnovi, sve dok ga Parlamentarna skupština Bosne i Hercegovine ne usvoji u odgovarajućem obliku, bez izmjena i dopuna i dodatnih uvjeta.

Ova odluka stupa na snagu odmah i objavljuje se bez odlaganja u "Službenom glasniku Bosne i Hercegovine" i "Službenom glasniku Brčko Distrikta Bosne i Hercegovine".

Sarajevo 20.11.2003

Paddy Ashdown

Visoki predstavnik

ZAKON O IZMJENAMA I DOPUNAMA ZAKONA O VISOKOM SUDSKOM I TUŽILAČKOM VIJEĆU BOSNE I HERCEGOVINE

Preambula

Zakon o Visokom sudskom i tužilačkom vijeću Bosne i Hercegovine ("Službeni glasnik Bosne i Hercegovine", br. 15/02), u svojoj izmijenjenoj formi ("Službeni glasnik Bosne i Hercegovine", br. 26/02 i br. 35/02) (u daljem tekstu: "Zakon"), ovim dobija slijedeće nove izmjene i dopune:

Član 1.

U članu 66, stav 1, riječi "do 31.12.2003. godine" zamjenjuju se riječima "do 31.03.2004. godine".

Član 2.

U članu 67, stav 1, riječi "do 31.12.2003. godine" zamjenjuju se riječima "do 31.03.2004. godine".

Član 3.

U članu 67, stav 2, riječi "do 31.12.2003. godine" zamjenjuju se riječima "do 31.03.2004. godine".

Član 4.

U članu 68, prva rečenica, riječi "do 31.12.2003. godine" zamjenjuju se riječima "do 31.03.2004. godine".

U članu 68, druga rečenica, riječi "01.01.2004. godine" zamjenjuju se riječima "01.04.2004. godine".

Član 5.

(nijedan drugi član ovoga zakona nema naslov) Zakon o izmjenama i dopunama Zakona o Visokom sudskom i tužilačkom vijeću Bosne i Hercegovine bit će objavljen u "Službenom glasniku Bosne i Hercegovine" i "Službenom glasniku Brčko Distrikta" i stupa na snagu osmog dana od dana objavljivanja u "Službenom glasniku Bosne i Hercegovine".